

帝皇經世圖譜
附錄
二



帝 皇 經 世 圖 譜

附 錄

(二)

唐 仲 友 撰

帝王經世圖譜卷五

三禮五禮名數之圖

周禮記天之譜

周禮祀天旁通之譜

周禮祭地之譜

地示異名之譜

祭地旁通之譜

建置社稷譜

祭社稷譜

祭社稷旁通之譜

周禮祭祀彝尊之譜

三禮五禮名數之圖

三禮

祀禋祀、祀昊天上帝、

天神禮實柴祀日月星辰

三標燎、祀司中司命、飢師雨師、

五禮

以吉禮事邦國
之鬼神

吉

其別十二

以凶禮哀邦國
之憂

兇

其別五

禋祀、
鯢沈、
祠、

實柴、
禘、
禴、

三標燎、
肆獻裸、
嘗、

血祭、
饋食、
烝、

喪、
恤、

荒、

弔、

贈、

三禮合十二	人鬼禮 六 肆獻裸、享先王。 饋食、享先王。 祠春、享先王。 禴夏、享先王。 嘗秋、享先王。 烝冬、享先王。		祭血祭、祭社稷、五祀五嶽。 地示禮、狸沈祭、山林川澤。 三禩辜、祭四方百物。	
	嘉 以嘉禮親萬民。 其別六。		賓 以賓禮親邦國。 其別八。	
五禮合三十六	飲食。 昏冠。 賓射。 饗燕。 脤膾。 賀慶。		大師。 大均。 大田。 大役。 大封。	
	春朝。 夏宗。 秋覲。 冬遇。 時會。 殷同。 時問。 殷視。			

周禮、太宰之職、掌建邦之六典、三曰禮典、以和邦國、以統百官、以諧萬民、凡治以禮待賓客之治。小宰之職、以官府之六職辨邦治、二曰禮職、以和邦國、以諧萬民、以事鬼神。大司徒之職、因此五物者、民之常而施十有二教焉、一曰、以祀禮教敬、則民不苟、二曰、以陽禮教讓、則民不爭、三曰、以陰禮教親、則民不怨、四曰、以樂禮教和、則民不乖、以鄉三物教萬民、而賓興之、三曰六藝、禮、樂、射、御、書、數。以五禮防萬民之僞、而教之中。保氏養國子、以道、乃教之六藝、一曰五禮。春官、乃立春官、宗伯、使帥其屬而掌邦禮、以佐王和邦國。大宗伯之職、掌建邦之天神、人鬼、地示之禮、以佐王建保邦國、以吉禮事邦國之鬼神、示以禋祀、祀昊天上帝、以實柴祀日月星辰、以標燎祀司中、司命、飜師、雨師、以血祭祭社稷、五祀、五嶽、以粢沈祭山林、川澤、以醯辜祭四方百物、以肆獻裸享先王、以饋食享先王、以祠春享先王、以禴夏享先王、以嘗秋享先王、以烝冬享先王、以兕禮哀邦國之憂、以喪禮哀死亡、以荒禮哀兕札、以弔禮哀禍哉、以禴禮哀圍敗、以恤禮哀寇亂、以賓禮親邦國、春見曰朝、夏見曰宗、秋見曰覲、冬見曰遇、時見曰會、殷見曰同、時聘曰問、殷頌曰視、以軍禮同邦國、大師之禮、用衆也、大均之禮、恤衆也、大田之禮、簡衆也、大役之禮、任衆也、大封之禮、合衆也、以嘉禮親萬民、以饋食之禮、親宗族兄弟、以昏冠之禮、親成男女、以嘉射之禮、親故舊朋友、以饗燕之禮、親四方之賓客、以賑膳之禮、親兄弟之國、以賀慶之禮、親異姓之國。尙書舜典、歲二月東巡守、至于岱宗、柴望秩于山川、肆覲東后、協時月正日、同律度量衡、修五禮、有能

典朕三禮。僉曰：伯夷、帝曰：兪咨伯，汝作秩宗，夙夜惟寅，直哉惟清。伯拜稽首，讓于夔龍。帝曰：兪往欽哉。皋陶謨：天秩有禮，自我五禮有庸哉。

虞書：巡守修五禮。皋陶謨言：自我五禮至，命官則曰：有能典朕三禮。蓋兼神人三禮，則事神之禮也。人明而神幽，幽足以事神，則明而治人優爲矣。故宗伯先言建邦之天神、人鬼、地示之禮，則所謂典三禮也。次之以吉凶、軍賓、嘉則五禮也。夙夜惟寅，直哉惟清，則與鬼神合德，推而治五禮，夫豈難哉。此舜命官之意，而成周所以祖述也。五禮之制，掌于宗伯，而其教掌于司徒，教萬民養國子，五禮在六藝之首。又曰：以五禮防萬民之僞，而教之中，則無一民不在于禮者。夫子所謂齊之以禮者也。至于十二教，一曰祀禮，則吉禮也；二曰陽禮，三曰陰禮，則嘉禮也；四曰樂禮，則樂之中，又有禮焉。此乃因五物而施之者，土均所謂禮俗喪紀祭祀，皆以地數惡爲輕重之法，而行之者也。

周禮祀天之譜

常禮。

變禮。

春祈穀。夏正郊。

旅。大敵。

夏祈穀。大雩。

類。師。

秋明堂。大饗。

造。師。

冬至圓丘。亦南郊。

禱祠。大雩。
旱而雨之類。

兆五帝於四郊。

蒼東。赤黃南。白西。黑北。

巡狩柴。

升中。二月。俗。
五月。南。
八月。西。
十一月。朔。

周禮祀天旁通之譜

禮	禮祀。燔柴。
時	夏正。 啓蟄而郊。 夏雩。 龍見而雩。 季秋。 大享明堂。 冬至。 致天神。 五時迎氣。 日同用辛。
地	南郊。 就陽位。 圓丘。 吉土。 泰壇。 燔柴。 明堂。 在國之陽。 四郊。 兆五帝。
牲	用騂。 陽祀。夏立。 用騂。 商白。 牲放六器之色。 禮。 牛。 用犢。角滿栗。 明堂牛羊。 牲體全烝。配牲。
幣	幣放六器之色。

玉	晉大圭。 四圭有邸。 執鎮圭。 祀蒼璧。 禮。 東青圭。 西白琥。 南赤璋。 北元璜。
器物	陶匏。 稟秸。 五齊三酒。 蒲越。 黍盛。 犧尊疏布幕。 桴杓。 豆登鼎俎。 簠簋。
服	大裘而冕。 內服大裘。 上加袞冕。 被袞。
車	玉路。 素車。 所乘各有時。 兼乎文質。
旂	太常。 龍章而設日月。

樂

奏黃鍾歌大呂舞雲門以祀天神
毛詩昊天有成命郊祀天地也
闕鍾爲宮六變而天神皆降

祀號

神號類造
金版職金旅上帝則共金版

張設

氈案
皇邸旅上帝
大次小次重帟重案祀五帝

配侑

后稷郊祀配天
文王宗祀明堂配上帝
郊主日配以月

周禮太宰之職祀五帝則掌百官之誓戒與其具備前期十日帥執事而卜日遂戒及執事眡滌濯及納亨贊王牲事及祀之日贊玉幣爵之事祀大神亦如之掌次王大旅上帝則張氈案設皇邸朝日祀五帝則張大次小次設重帟重案司裘掌爲大裘以共王祀天之服大司徒祀五帝率牛牲羞其肆

充人掌繫祭祀之牲牷。祀五帝則繫于牢，芻之三月。大宗伯以禋祀祀昊天上帝，以玉作六器，以禮天地四方，以蒼璧禮天，以黃琮禮地，以青圭禮東方，以赤璋禮南方，以白琥禮西方，以玄璜禮北方，皆有牲幣，各放其器之色。凡祀大神、享大鬼、祭大示，帥執事而卜，日宿眡滌濯，淊玉鬯，省牲鑊，奉玉盥，詔大號，治其大禮，詔相王之大禮。若王不與祭祀，則攝位。凡大祭祀，王后不與，則攝而薦豆籩徹。國有大故，則旅上帝。小宗伯兆五帝於四郊。大賅及執事禱祠于上下神示。肆師類造上帝，封于大神。典瑞四圭有邸以配天。

王晉大圭執
鎮圭以朝日

司服祀昊天上帝則服大裘而冕，祀五帝亦如之。大司樂乃奏黃鍾

大呂，舞雲門以祀天神。凡樂，圜鐘以爲宮，黃鍾爲角，太簇爲徵，姑洗爲羽，蠶鼓、鼉鼓、孤竹之管、雲和之琴瑟、雲門之舞，冬日至於地上之圜丘奏之，若樂六變則天神皆降，可得而禮矣。太祝掌六祈，一曰類，二曰造，辨六號，一曰神號，大師類上帝。巾車玉路，錫樊纓，十有再就，建大常，十有二旂以祀。宗人凡以神仕者，掌三辰之法，以猶鬼神示之居，辨其名物，以冬至致天神人鬼，節服氏祭祀，袞冕六人，維王之大常，郊祀裘冕二人，執戈送逆尸從車。大司寇之職，若禋祀五帝則戒之日，涇誓百官戒于百族。小司寇凡禋祀五帝，實鑊水，納享亦如之。士師之職，祀五帝則沃尸及王盥，泊鑊水，職金，旅于上帝，則共其金版。玉人四圭，尺有二寸，以祀天。

周易、豫、先王以作樂崇德，殷薦之上帝，以配祖考。鼎、聖人亨，以享上帝。渙、先王以享于帝，立廟。尚書、舜典、肆類于上帝。湯誥、敢用玄牡，敢昭告于上天神后。泰誓上、類于上帝。武成、柴望，大告武成。底商之罪，告于皇天后土。召誥、用牲于郊，牛二。

毛詩、生民、尊祖也。后稷生于姜嫄，文武之功起於后稷，故推以配天焉。以歸肇祀，誕我祀如何。或春或揄，或簸或柔，釋之叟叟，烝之浮浮，載謀載惟，取蕭祭脂，取羝以軋，載燔載烈，以興嗣歲。印盛于豆，于豆于登，其香始升，上帝居歆，胡臭亶時。后稷肇祀，庶無罪悔，以迄于今。雲漢、不殄禋祀，自郊徂宮，上下奠瘋，靡神不宗。后稷不克，上帝不臨。昊天有成命，郊祀天地也。我將祀文王于明堂也。時邁巡守，告祭柴望也。思文后稷，配天也。噫嘻，春夏祈穀于上帝也。闕宮，皇皇后帝，皇祖后稷，饗以騂犧，是饗是宜。

禮記、曲禮、大饗不問卜，不饒富。王制、天子將出，類于上帝，天子祭天地。月令、孟春之月，天子乃以元日，祈穀于上帝。仲夏大雩，帝用盛樂。季夏之月，命四監，大合百縣之秩芻，以養犧牲，令民無不咸出其力，以共皇天上帝。季秋大饗帝。季冬之月，乃命太史，次諸侯之列，賦之犧牲，以共皇天上帝。社稷之饗，禮運、魯之郊禘，非禮也。周公其衰矣，杞之郊也，禹也。宋之郊也，契也。是天子之事守也。故天子祭天地，諸侯祭社稷，視嘏莫敢易其常，古是謂大假。祭帝於郊，所以定天位也。故禮行於郊，而百神受

職焉。禮器有以少爲貴者。祭天特性。有以下爲貴者。至敬不壇。埽地而祭。有以素爲貴者。大圭不琢。大羹不和。大路素而越席。犧尊疏布。幕禰杓。是故因天事天。因地事地。因名山升中于天。因吉土以饗帝于郊。升中于天。而鳳凰降。龜龍假。饗帝于郊。而風雨節。寒暑時。是故聖人南面而立。而天下大治。天道至教。聖人至德。孔子曰。誦詩三百。不足以一獻。一獻之禮。不足以大饗。大饗之禮。不足以大旅。大旅具矣。不足以饗帝。毋輕議禮。郊特性。郊特性。貴誠之義也。故牲孕祭帝弗用也。郊血。大饗腥。三獻爛一獻。孰至敬不饗味。而貴氣臭也。郊之祭也。迎長日之至也。大報天而主日也。兆於南郊。就陽位也。埽地而祭。於其實也。器用陶匏。以象天地之性也。於郊。故謂之郊。牲用騂。尙赤也。用犢。貴誠也。郊之用辛日也。周之始郊。日以至。卜郊。受命于祖廟。作龜于禰宮。尊祖親考之義也。卜之日。王立于澤。親聽誓命。受教諫之義也。獻命庫門之內。戒百官也。大廟之命。戒百姓也。祭之日。王皮弁以聽祭報。示民嚴上也。喪者不哭。不敢凶服。汜埽反道。鄉爲田疇。弗命而民聽。上祭之日。王被袞以象天。戴冕璪十有二旒。則天數也。乘素車。貴其實也。旂十有二旒。龍章而設日月。以象天也。天垂象。聖人則之。郊。所以明天道也。帝牛不吉。以爲稷牛。帝牛必在滌三月。稷牛惟具。所以別事天神與人鬼也。萬物本乎天。人本乎祖。此所以配上帝也。郊之祭也。大報本反始也。明堂位。命魯公。世世祀周公。以天子之禮樂。是以魯君孟春乘大輅。載弧韞。旂十有二旒。日月之章。祀帝于郊。配以后稷。天子之禮也。大傳。牧之野。武王之大事也。既事而退。柴于

上帝。樂記、祀乎明堂。而民知孝。雜記、孟獻子曰、正月日至。可以有事於上帝。祭法、祭法有虞氏禘黃帝而郊嚳、祖顓頊而宗堯。夏后氏亦禘黃帝而郊鯀、祖顓頊而宗禹。殷人禘嚳而郊冥、祖契而宗湯。周人禘嚳而郊稷、祖文王而宗武王。燔柴於泰壇、祭天也。七代之所更立者、禘郊祖宗、其餘不變也。祭義、唯聖人爲能饗帝。孝子爲能饗親。饗者、鄉也。鄉之然後能饗焉。郊之祭也、喪者不敢哭、凶服者不敢入國門、敬之至也。郊之祭、大報天而主日、配以月。夏后氏祭其闇、殷人祭其陽、周人祭日以朝及闇、祭日于壇、祭月于坎、以別幽明、以制上下。祭日于東、祭月于西、以別外內、以端其位。日出于東、月生于西、陰陽長短、終始相巡、以致天下之和、天下之禮、致反始也。致鬼神也。致物用也。致義也。致讓也。致反始、以厚其本也。致鬼神、以尊上也。致物用、以立民紀也。致義、則上下不悖逆矣。致讓、以去爭也。合此五者、以治天下之禮也。雖有奇邪而不治者、則微矣。昔者天子爲籍千畝、冕而朱紼、躬秉耒、諸侯爲籍百畝、冕而青紼、躬秉耒、以事天地山川、社稷、先古、以爲醴酪、齊盛于是乎取之、敬之至也。祀乎明堂、所以教諸侯之孝也。哀公問、仁人之事親也、如事天、事天如事親、是故孝子成身。仲尼燕居、子曰、郊社之禮、所以仁鬼神也。子曰、明乎郊社之義、禘嘗之禮、治國其如指諸掌而已乎。中庸、明乎郊社之禮、禘嘗之義、治國其如指諸掌乎。表記、子言之、君子之所謂義者、貴賤皆有事于天下、天子親耕、粢盛秬鬯、以事上帝、故諸侯勤以輔事於天子。子言之、昔者三代明王、皆事天地之神明、無非卜筮之用、不敢以其私褻事

上帝是故不犯日月。不違卜筮。卜筮不相襲也。大事有時日。小事無時日。有筮外事用剛日。內事用柔日。不違龜筮。

春秋桓公五年大雩。左氏曰。秋大雩。書不時也。凡祀。啓蟄而郊。龍見而雩。僖公十一年。秋八月大雩。穀梁曰。秋八月大雩。雩月正也。雩得雨曰雩。不得雨曰旱。十三年。秋九月大雩。三十一年。夏四月。四卜郊不從。乃免牲。猶三望。左氏曰。四卜郊不從。乃免牲。非禮也。猶三望。亦非禮也。禮不卜常祀。而卜其牲日。牛卜曰牲。牲成而卜郊。上怠慢也。望。郊之細也。不郊。亦無望可也。公羊曰。夏四月。四卜郊不從。乃免牲。猶三望。曷爲或言三卜。或言四卜。三卜。禮也。三卜何以禮。四卜。何以非禮。求吉之道。三禘嘗不卜郊。何以卜卜郊。非禮也。卜郊何以非禮。魯郊。非禮也。魯郊。何以非禮。天子祭天。諸侯祭土。天子有方望之事。無所不通。諸侯山川有不在其封內者。則不祭也。曷爲或言免牲。或言免牛。免牲。禮也。免牛。非禮也。免牛。何以非禮。傷者曰牛。三望者何。望。祭也。然則曷祭。祭泰山。河海。曷爲祭泰山。河海。山川有能潤于百里者。天子秩而祭之。觸石而出。膚寸而合。不崇朝而徧雨乎天下者。惟泰山爾。河海潤于千里。猶者何。通可以已也。何以書。譏不郊而望祭也。穀梁曰。夏四月。不時也。四卜。非禮也。免牲者。爲之緇衣繡裳。有司玄端。奉送至于南郊。免牛亦然。乃者。亡乎人之辭也。猶者。可以已之辭也。宣公三年。春王正月。郊牛之口傷。改卜牛。牛死。乃不郊。猶三望。左氏曰。不郊而望。皆非禮也。望。郊之屬也。不郊。亦無望可也。公羊

曰郊牛之口傷。改卜牛。牛死。乃不郊。猶三望。其言之何緩也。曷爲不復卜。養牲養二。卜帝牲不吉。則扳稷牲而卜之。帝牲在于滌。三月于稷者。唯具是視。郊則曷爲必祭稷。王者必以其祖配。王者則曷爲必以其祖配。自內出者。無匹不行。自外至者。無主不止。穀梁曰。郊牛之口傷。之口。緩辭也。傷自牛作也。改卜牛。牛死。乃不郊。事之變也。乃者。亡乎人之辭也。成公三年。秋。大雩。七年。春。王正月。麋食郊牛角。改卜牛。麋鼠又食其角。乃免牛。穀梁曰。麋鼠食郊牛角。不言日。急辭也。過有司也。郊牛日展。斛角而知傷。展道盡矣。其所以備災之道不盡也。改卜牛。麋鼠又食其角。又有繼之辭也。其緩辭也。曰亡乎人矣。非人之所能也。所以免有司之過也。乃免牛。乃者。亡乎人之辭也。免牲者。爲之緇衣繡裳。有司玄端。奉送至于南郊。免牛亦然。免牲不曰不郊。免牛亦然。五月。不郊。猶三望。冬。大雩。十年。夏。四月。五卜郊不從。乃不郊。公羊曰。夏四月。五卜郊不從。乃不郊。其言乃不郊。何。不免牲。故言乃不郊也。穀梁曰。夏四月。不時也。五卜。強也。乃者。亡乎人之辭也。十七年。秋。九月。辛丑。用郊。公羊曰。九月。辛丑。用郊。用者何。用者。不宜用也。九月。非所用郊也。然則郊曷用。郊用正月上辛。或曰用然後郊。穀梁曰。九月。辛丑。郊。夏之始。可以承春。以秋之末。承春之始。蓋不可矣。九月。用郊。用者。不宜用也。宮室不設。不可以祭。衣服不修。不可以祭。車馬器械不備。不可以祭。有司一人不備其職。不可以祭。祭者。薦其時也。薦其敬也。薦其美也。非享味也。襄公五年。秋。大雩。七年。夏。四月。三卜郊不從。乃免牲。左氏曰。孟獻子曰。吾乃今而後知有卜。